



PRIMEIRO MINISTRO

KOMUNIKADU IMPRENSA HUSI PRIMEIRU-MINISTRU REPÚBLIKA DEMOKRÁTICA
TIMOR-LESTE,
RUI MARIA DE ARAÚJO

IHA OKAZIAUN VIZITA OFISIÁL PRIMEIRU-MINISTRU REINU KAMBOJA NIAN, SAMDECH
AKKA MOHA SENA PADEI TECHO HUN SEN BA REPÚBLIKA DEMOKRÁTICA TIMOR-LESTE

Samdech HUN SEM

Ho haksolok boot maka ha'u no Governu Timor-Leste hato'o boazvindas ba ita, no ba ita-nia delegasaun, iha Dili, Timor-Leste.

Ita-boot no ita-boot nia membru Gabinete sira ninia prezensa sai hanesan onra boot tebes mai ami, tanba refleto importánsia husi vizita ida ne'e no husi relasaun sira entre Timor-Leste no Reinu Kamboja nian.

Timor-Leste no Kamboja iha istória ida ne'ebé hanesan kona-ba konflitu no prosesu harii pás nian. Istória ne'e fó mai ita lisaun importante kona-ba oinsá maka pás no estabilidade nasaun nian iha valór ba ita-nia nasaun rua ne'e nia dezentvolvimentu nasional.

Hafoin sai husi konflitu iha dékada balun nia laran, ha'u fiar katak Timor-Leste no Kamboja bele serbisu hamtuk hodi reforsa kooperasaun bilaterál, atu fó benefísiu ba ninia povu sira.

Samdech HUN SEM

Iha ita-nia sorumutuk ohin, ita debate no identifika área potenciál kooperasaun nian lubuk ida, iha ne'ebé Timor-Leste no Kamboja bele sebisu hamutuk hodi hadi'a di'ak liutan relasaun bilaterál hirak ne'e.

Ita mós sai sasin ba asinatura Akordu-Kuadru Koperasaun Ekonómika no Téknika nian ida; Akordu ida kona-ba Livre husi Vistu ba Sira ne'ebé uza Pasaporte Diplomátiku no Pasaporte Serbisu nian; no Memorandu Entendimentu ida kona-ba kooperasaun iha área serbisu nian. Akordu sira ne'e no Memorandu Entendimentu ne'e sei loke dalan atu hakle'an ita-nia kooperasaun.

Ha'u hakarak ko'alia kona-ba potenciál kooperasaun iha setór sira hanesan agrikultura, petróleu, edukasaun no komérsiu, iha ne'ebé Timor-Leste no Kamboja bele fahe esperiénsia ba malu. ita-nia Ministru Negósiu Estranjeiru sira serbisu dadaun ona iha programa práttiku sira ba ninia implementasaun.

Timor-Leste, hanesan nasaun foun ida iha rejiaun Sudeste Aziátiku, lansa dadaun ona ninia dezvoltamentu nasionál, ho hanoin atu harii país no atu fó servisu ba populasau.

Ami hatene ho di'ak katak ami halo parte iha rejiaun ne'e no, tamba ne'e, Timor-Leste husu atu tama ba-ihá Asosiasaun Nasaun sira Sudeste Aziátiku nian (ASEAN).

Iha kontestu ida ne'e no hodi Governu Timor-Leste nia naran, ha'u an rasik hakarak rekoñese apoiu ne'ebé firme husi Samdech HUN SEN no husi Governu Kamboja nian ba adezaun Timor-Leste nian ba ASEAN.

Timor-Leste prontu ona atu sai membru Asosiasaun ne'e nian no atu kontribui ho forma signifíkativa iha organizasaun ne'e nia laran.

Samdech HUN SEM

Señora no Señor sira

Aleinde vizita ofisiál no sorumutuk ne'ebé ami hala'o ona foin dadun ne'e, V.E. hanesan bainaka onra nian iha komemorasaun tinan da-41 FALINTIL nian, ami-nia Forsa Armada Libertasaun nian sira, ne'ebé hahú nu'udar frente militar Partidu FRETILIN nian no tuirmai sai nu'udar povu Timor-Leste hotu nian durante luta libertasaun nian, no ikusmai nakfilak an ba embriaun Forsa Defeza Timor-Leste nian sira ne'ebé ohin loron nian.

Hanesan ema ne'ebé, ho otas nurak los, liu ona husi luta libertasaun ninia país nian, sei komprende no hahii sakrifisiu ikus nian husi ami-nia eroi sira no veteranu sira atu ami-nia nasaun bele to'o ba-ihá faze iha ne'ebé ohin loron ami moris.

Tanba ne'e, komemorasaun tinan ida-ne'e hetan onra boot tebes ho ita-boot sira-nia prezensa no ita-boot sira-nia esperiénsia iha luta ba libertasaun nasional no forma oinsá desenvolve ita-boot sira nia país sai hanesan iis-kbiit ida mai ami, hodi garante katak ita-nia soldadu no veteranu sira-nia sakrifisiu hotu sei la lakon leet de'it.

Dala ida tan, Samdech HUN SEN, obrigadu barak ba onra ne'ebé fó mai ami, ho ita-boot nia vizita. Haksolok tebes atu konvida Samdech HUN SEN atu hato'o liafuan ruma.

Loron 19 fulan-agostu tinan 2016